



ارنگوی، چیفته حوضارده لیلی ونهاری
ارکک

آمریقان مکتبی

12 ایلول 1928 ده تدریساته مباشرت اولونا جقدر.

مکتبمزك غايه سی

تحت حمایه مزده بولنان اطفالك سچیہ و فضائلنه خادم اخلاقی ، عقلی و بدنی ترقیآه سوق ایده جك اساسلی برتعلیم و تربیه ویرمکدن عبارتدر .

تدریسات پروغرامی

مکتبمز تجارته، صنعته انتساب ایده جکارله مکاتب عالییه داخل اولاجق طلبه ایچون احضاری برماهیتی حائزدر .

ریاضیات :

حساب ، هندسه و جبر مباحثی صورت مکملهده تدریس ایلمکله برابر حساب تجاری و دفاتر طوتمق اصوللری دخی نظری و عملی اوله رق تدریس اولونور .

تورکجه :

مدت تحصیلیه سکز سنهدر . مکاتب اجنبیهده تورکجه نك اصول تدریسی حقنده معارف و کالتنك تنظیم ایتمش اولدیغی پروغرام عیناً تطبیق اولنور .

انگلیزجه :

لسان عمومی انگلیزجه اولوب تعلیم و تدریس ایچون بین الملل السنه اصول تدریساتی آره سنده عظیم بر رغبت قازانان « فونانیک » اصولی استعمال ایدیله رك مکالمه ، قرائت ، صرف ، کتابت و خصوصیه انگلیزجهده مهم بر موقع طوتان صحت تلفظ قولایلقله تأمین و آروجه برده اصطلاح « قورسی » ویریلور . علوم طبیعییه ، ریاضیه ، تاریخیه و جغرافییه نك مفصل مباحثی ، کذا موسیقی درسلری انگلیزجه لسانیه تدریس ایدیله ر .

فرانسزجه :

آوروپالی مقتدر معلملر طرفندن مکمل صورتده تدریس اولنور .

مکتبک اجرتی

375 . 00	برسنه درسیه ایچون	اباته و اجرت تدریسیه
75 . 00	» » »	اجرت تدریسیه [نہاری]
60 . 00	» » »	اوکله یمکی [نہاری]
54 . 00	» » »	اوطوموبیل [نہاری]
1 . 00	سومه سترو بہار تعطیللری	اٹناسنده یومیہ
2 . 00	ژیمناستیک [لیلی]	برسنه ایچون
1 . 00	» » »	[نہاری]
5 . 00	چماشیر	» »

هر طلبه برنجی تقسیطی دخولده، ایکنجی تقسیطی 15 کانون ثانی به قادیار
تأدیہ ایتمه لیدر .

تقاسیطدن تأدیہ اولونمایان قسم ایچون تأخیر سببیله یوزده بیرمی فضلہ
آلنور. دیپوزیتو اولارق 25 لیرا یاتیریلیق ایجاب ایدر که صوکرایر خصوصنده
مشکلاته محل قالماسون . [*]

[*] اخطار : مکتب اداره سی مکتبک نظاماتنه اطاعت ایتمه یوبشا کردان آراسنده
سوء تأثیر تولید ایدن طلبه بی قبول ایتمه مکده سر بستدر .

معلومات عمومیه

مناسب توصیه نامه لرله اوندن اون بش یاشنه قدر اولان اطفال قید و قبول اولونورلر . قید ایچون حین مراجعتده جوجغک نفوس تذکره سی ، مکتب شهادتنامه سی ، اک صوک آشی علم و خبری و صحت ورقه سنک ابرازی ایجاب ایدر .

لیلی شا کردانک البسه و یاتاق طاقلری مکتب طرفندن تهیه ایدلمز . مکتب یالکز قاریوله ویرر . لیلی شا کردان مناسب البسه ایله مکتبه کلوب برابرلنده 195 سانتیمتره طوانده و 75 سانتیمتره عرضنده بر یاتاق ، 4 چارشاف ، بر یاصدیق ، 4 یاصدیق یوزی ، 2 یورغان یاخود 3 بطانیه ، بر یاتاق اورتوسی [پیکه] ، 4 سفره بشکری ، 4 یوز حاویلیسی ، برحام حاویلیسی بیقانه جق چاشورلر ایچون بر طوربا ، قاریولانک اوکنده براقیله جق اوفاق بر سجاده دخی کتورملی درلر . شا کردان مکتبه کلزدن اول بونلرک حاضر اولسی بویندن بالخاصه رجا اولونور .

دها فضله تفصیلات آلمق آرزوسنده بولونان ذوات آغستوسک اون بوشندن اعتباراً پنچشنبه کونلری صباحلین آلافرانغه ساعت اوندن اون ایکی یه قادر استانبولده فنجانجیلر یوقوشنده آمریقان خاننده 18 نومرولی یازینخانه دهه مؤسس و مدیر دوقتور ماقنوتنه مراجعت ایده بیلبرلر . مکتبه ایسه هر کون مراجعت اولنه بیلور .